

ՀՀ ԼՈՌՈՒ ՄԱՐԶՊԵՏԻ Հ Ա Շ Վ Ե Տ Վ ՈՒ Թ Յ ՈՒ Ն

2015թ. հունվար - դեկտեմբեր ժամանակահատվածի
աշխատանքային գործունեության մասին

ԿՐԹՈՒԹՅՈՒՆ

Համաձայն Լոռու մարզի 2014-2017թթ. սոցիալ տնտեսական զարգացման ծրագրի 2015թ. տարեկան աշխատանքային պլանի, կրթության որակի բարձրացումը մարզում դիտվել է որպես ոլորտի զարգացման գերակա նպատակ: Այն ամբողջովին արտացոլում է 2016-2025թթ. «Կրթության զարգացման պետական ծրագրի» հիմնական պահանջները:

Համաձայն ՏԱՊ-ի, մարզում շարունակվել են դպրոցների վերանորոգման, տեխնիկական վերազինման և գույքի թարմացման միջոցառումները, ուսուցիչների մասնագիտական կարողությունների բարձրացմանը, դպրոցների՝ որպես ինքնակառավարման մարմինների ուժեղացմանն ուղղված աշխատանքները:

Լոռու մարզի տարածքում 01.09.2015թ. դրությամբ գործում է.

ա/ 6 բուհ, 9 միջին մասնագիտական և 2 արհեստագործական պետական ուսումնական հաստատություններ

բ/ 68 նախադպրոցական ուսումնական հաստատություն՝ 4538 երեխաներով, 2 ոչ պետական և 21 նախակրթարանային խումբ /տեղակայված 21 դպրոցում/

գ/ 167 դպրոց, այդ թվում՝ 85-ը՝ միջնակարգ, 64-ը՝ հիմնական, 4-ը՝ հատուկ /այդ թվում 1-ը՝ մաթեմատիկայի և բնագիտական առարկաների խորացված ուսուցմամբ/, 11 ավագ և 3 վարժարան/այդ թվում 2-ը՝ մասնագիտացված/: Վանաձոր քաղաքում գործում է մեկ արհեստագործական ուսումնարան՝ 13 խմբով (196 աշակերտ):

Ըստ իրականացվող հիմնական ծրագրերի մարզում գործում է 163 դպրոց, որից 151-ը՝ **մարզային ենթակայության**, 12-ը /11 ավագ և 1 հատուկ/ խորացված ուսուցմամբ/՝ ԿԳ նախարարության ենթակայության:

Մարզային ենթակայությամբ գործող 151 դպրոցները ընդգրկում են՝

- ◆ միջնակարգ դպրոցներ - 85
- ◆ վարժարան - 1
- ◆ հիմնական դպրոցներ - 65 /որոնցից 1-ը՝ հատուկ/
- ◆ 26120 սովորողները կոմպլեկտավորված են 1607 դասարաններում

Լոռու մարզպետարանի տվյալների համաձայն՝ 2015-2016թթ. ուսումնական տարում մարզի 167 հանրակրթական դպրոցներում աշխատում է 3539 ուսուցիչ, այդ թվում 3060 կին և 479 տղամարդ: Ուսուցիչ-աշակերտ թվաքանակի հարաբերակցությունը ուսումնական տարում կազմել է 1/8.3:

167 հանրակրթական հաստատություններում սովորում է 29,693 աշակերտ, որը 2014-2015թթ. ուսումնական տարվա համեմատ պակաս է 67 աշակերտով /աշակերտների թվաքանակի նվազման միտումը պայմանավորված է ավագ դպրոցների կարգավիճակի փոփոխության և մեկ մասնավոր դպրոցի փակման հետ/: 2015-2016թթ. ուսումնական տարում առաջին դասարան են հաճախել 3055 երեխա, իսկ 2014-2015թթ. ուս. տարում՝ 3061 երեխա: Դասարանների թիվը 2015-2016թթ. կազմել է 1775 (նախորդ տարվա/1934/ համեմատ պակասել է 159-ով): Դասարանների նվազման միտումը պայմանավորված է ավագ դպրոցների կարգավիճակի փոփոխության հետ:

Նախադպրոցական կրթություն

2008-2015 թվականների ռազմավարական դրույթներին համահունչ, մարզի նախադպրոցական հաստատությունների հմնական նպատակը եղել և մնում է նախադպրոցական կրթության ոլորտի ծառայությունների որակի և մատչելիության բարելավումը՝ հատուկ ուշադրություն դարձնելով սոցիալապես անապահով ընտանիքների երեխաների նախադպրոցական կրթության մեջ ընդգրկման ավելացմանը:

2015 թվականին Լոռու մարզում գործել է 68 նախադպրոցական ուսումնական հաստատություն: Գործող նախադպրոցական ուսումնական հաստատությունների շենքային հզորությունը կազմել է 5268 երեխա-տեղ, որի միայն 86%-ն է շահագործվել:

2015թ. սեպտեմբերի 15-ի տվյալներով ուսումնադաստիարակչական աշխատանքները կազմակերպվել են 154 խմբով, որտեղ ընդգրկվել է 4538 երեխա: Ընդ որում, 5-6 տարեկանների թիվը 1846 է, որը կազմում է երեխաների ընդհանուր թվի 41%-ը:

Մարզում 2009 թվականից գործում են նաև նախակրթարաններ, որոնք սկզբում գործել են «Մատչելիության ապահովում» վարկային ծրագրի շրջանակներում, այնուհետև՝ սկսած 2011 թվականից, աստիճանաբար անցել են պետական ֆինանսավորման:

2012 թ-ին նախակրթարաններ գործել են մարզի 5 դպրոցներում /6 խումբ, 127 երեխա/, 2013թ-ին՝ թվով 22 դպրոցում /27 խումբ, 451 երեխա/ և 2014թ-ին՝ թվով 21 դպրոցում /23 խումբ, 400 երեխա/, 2015թ-ին՝ 21 դպրոցում /21 խումբ, 355 երեխա/:

Դեռևս պահպանվում է գյուղական համայնքներում նախադպրոցական կրթության մատչելիության ցածր մակարդակը: Գյուղական համայնքների ՆՈՒՀ-երում ընդգրկված երեխաների թիվը 2014թ-ին կազմել է մարզի ՆՈՒՀ-երում ընդգրկված երեխաների ընդհանուր թվի 24%-ը: Եթե նախակրթարաններում ընդգրկված երեխաների թիվն ավելացնենք ՆՈՒՀ-երի 5-6 տարեկան երեխաների թվին, ապա 5-6 տարեկան երեխաների թիվը կկազմի մարզի ՆՈՒՀ-երում ընդգրկված երեխաների ընդհանուր թվի 48.5%-ը:

Վերջին 3 տարիներին 1 խմբի երեխաների միջին թվաքանակը կազմում է 29 երեխա:

2011-2015 թվականներին նախադպրոցական հաստատությունների քանակի և դրանցում ընդգրկված երեխաների թվի դինամիկան տրված է աղյուսակ 1-ում:

Աղյուսակ 1.


Տարեթիվը	Մանկապարտեզների թիվը	Խմբերի թիվը	Հաճախող երեխաների թիվը	5-6 տարեկան երեխաների թիվը
2011	66	143	3983	1542
2012	67	158	4077	1638
2013	68	149	4346	1638
2014	69	155	4575	1828
2015	68	154	4538	1844

Միջնակարգ կրթություն

Մարզային ենթակայության 151 դպրոցում աշխատում է **3126** ուսուցիչ, որոնցից 2920-ը ունի բարձրագույն մանկավարժական, կամ բարձրագույն կրթություն /91.2%-ը/, մնացած 206-ը՝ միջին մասնագիտական կամ թերի բարձրագույն /սովորում են ՎՊՀ-ի հեռակա բաժնում/:

Ուսուցիչ-աշակերտ հարաբերակցությունը մարզում կազմում է 8.3՝ նախորդ տարվա 8.1-ի դիմաց:
Դասարանների միջին խտությունը 16.2 - է:

Ուսուցչի միջին ծանրաբեռնվածությունը կազմում է շաբաթական 17.6 ժամ:



Գծապատկերից երևում է, որ 2015-2016 ուստարվա սեպտեմբերի տվյալներով մարզային ենթակայության հանրակրթական հաստատություններում նախորդ տարվա համեմատ արձանագրվել է աշակերտների թվի աճ՝ **894**-ով:

Հուլիս-օգոստոս ամիսների ընթացքում համակարգվել և վերահսկվել են մարզի դպրոցական տարիքի երեխաների հաշվառումը և նրանց ընդգրկումը հանրակրթական դպրոցներ:

Արդյունքում՝ 2015թ. սեպտեմբերին 1-ին դասարան է ընդունվել 3055 երեխա: Այս ցուցանիշը 38-ով ավել է նախորդ տարվա ցուցանիշից: Ըստ դպրոցների տվյալների 2014թ. մարզի տարածքում հայտնաբերվել են տարբեր պատճառներով պարտուսից դուրս մնացած 19 երեխաներ, որոնք ուղորդվել են ուսումնական հաստատություններ: Կրթության ոլորտում աղքատության հաղթահարման ռազմավարական ծրագրին միտված մարզի պարտուսի տարիքի երեխաների ընդգրկվածությունը հանրակրթական համակարգում կազմում է 99,9%:

Հանրակրթական հաստատությունների հիմնական ցուցանիշները ըստ տարիների ներկայացված են ստորև տեղադրված գծապատկերում

Աղյուսակ 2.

Ցուցանիշներ	2011/ 2012	2012/ 2013	2013/ 2014	2014/ 2015	2015/ 2016
Դպրոցների քանակը	158	152	151	151	151
Աշակերտների թվաքանակը՝ այդ թվում	29615	25771	24861	25226	26120
1-ին դասարան	2916	2852	2848	3017	3055
8-րդ/9-րդ/ դասարան	2979	2701	2183	1132	2145
10-րդ/12-րդ/ դասարան	2708	1670	1135	1190	1096
Միջին հաշվով 1 դպրոց հաճախում են	187	170	160	160	173
Դասարանների միջին քանակը մեկ դպրոցում	10,9	10.7	10.3	10.4	10.6
Միջին հաշվով մեկ դասարան հաճախում են	17,1	15.8	15.9	15.9	16.2
Մանկավարժների	3598	3616	3121	3118	3126

թվաքանակը, նրանցից					
✓ բարձրագույն կրթությամբ	3310	3354	2865	2862	2920
✓ միջին մասնագիտական կամ միջնակարգ կրթությամբ	288	262	256 */225+31/	256*	206*
Մեկ մանկավարժին ընկնող աշակերտների միջին թիվը	8,2	7.2	7.9	8.1	8.3
Մեկ դպրոցում աշխատող մանկավարժների միջին թիվը	22,7	23.7	20.6	20.6	20.7

2015թ-ին ՀՀ Լոռու մարզային ենթակայության հանրակրթական ուսումնական հաստատությունների կառուցապատման և նորոգման նպատակով ներդրումը կազմել է 428.88 մլն. դրամ:

Վերակառուցման և հիմնանորոգման աշխատանքներ են իրականացվել Վանաձորի թիվ 18 և թիվ 6 դպրոցներում՝ ներդրումը կազմել է 248.0 մլն. դրամ:

Մարզային ենթակայության թվով 17 հանրակրթական ուսումնական հաստատությունների կողմից խնայված միջոցներով իրականացվել է շուրջ 80.9 մլն. դրամի նորոգման աշխատանքներ: Տանիքի մասնակի նորոգումներ են իրականացվել Տաշիրի թիվ 2, Օձունի թիվ 1, Վանաձորի թիվ 3, Վանաձորի թիվ 20 դպրոցներում: Սանհանգույցների նորոգումներ են իրականացվել՝ Տաշիրի թիվ 2, Ալավերդու թիվ 2 և թիվ 12, Վանաձորի թիվ 20 և թիվ 30 դպրոցներում: Լոկալ ջեռուցման համակարգ է մոնտաժվել Վանաձորի թիվ 16 դպրոցում /մասնաշենք/: Թվով երեք դպրոցներ իրականացրել են պատուհանների փոխարինման աշխատանքներ /մասնակի/: Մյուս դպրոցները իրականացրել են մասնակի նորոգման աշխատանքներ:

Տնօրենների կողմից սահմանված կարգով և պարբերականությամբ տեղեկատվություն է ներկայացվել գույքագրման, շենք-շինությունների ֆիզիկական վիճակի մասին: Ստացված տեղեկատվությունը մասնագիտական վերլուծության է ենթարկվել, որը հիմք է ծառայել հիմնանորոգման, արդիականացման ծրագրերի մշակման համար:

Վերահսկվել, իրականացվել և համակարգվել են դպրոցների լիցենզավորմանն ուղղված նախապատրաստական և խորհրդատվական աշխատանքները: ՀՀ Լոռու մարզի հանրակրթական

դպրոցներից կրթական ծրագրերի իրականացման լիցենզավորման գործընթացը ավարտել են թվով 150 դպրոց: Վանաձորի թիվ 26 դպրոցը գործում է զինվորական տեղամասի տարածքում և դպրոցական շենքային համալիրը հանդիսանում է ՀՀ ՊՆ-ի տնօրինության կառույց:

Մարզային ենթակայության թվով 151 հանրակրթական ուսումնական հաստատություններից 107 ջեռուցվում է բնական գազով, որից 61-ը ունի լրկալ համակարգ, 46-ը գազի վառարան: Թվով 22 ուսումնական հաստատություն ջեռուցվում է վառելափայտով, 1-ը հեղուկ վառելիքով, 17-ը էլ.էներգիայով: Թվով 4 դպրոց օգտագործում է խառն էներգակիր:

ՀՀ կառավարությանն առընթեր պետական գույքի կառավարման վարչություն է ներկայացվել ուսուցչի տներում /այդ թվում բնակֆոնդ/ բնակվող անձանց կողմից սեփականաշնորհման նպատակով ներկայացված փաստաթղթերը /մարզային ենթակայության հանրակրթական ուսումնական հաստատություններին ամրացված է թվով 16 կառույց /ուս. տուն, բնակֆոնդ/, որից 5-ը բնակեցված չէ/:

ՀՀ կրթության պետական տեսչության կողմից ՀՀ Լոռու մարզի թվով 48 հանրակրթական ուսումնական հաստատություններում 2015թ. ապրիլի 6-ից 30-ը իրականացվել են կրթական գործունեության ուսումնասիրություններ:

ՀՀ Լոռու մարզպետի հանձնարարությամբ հանրակրթական ուսումնական հաստատությունների կողմից ՀՀ կրթության մասին օրենսդրության և կրթության պետական կառավարման լիազորված մարմնի ընդունած նորմատիվ ակտերի կատարումը ուսումնասիրելու նպատակով 2015թ-ի նոյեմբերին մարզպետարանի աշխատակազմի կրթության, մշակույթի և սպորտի վարչության աշխատակիցների կողմից կազմակերպվել են այցելություններ Վանաձորի, Սպիտակի և Ստեփանավանի տարածաշրջանների թվով 16 դպրոցներ /ընդհանուր 56 ուսուցիչների մոտ/: Դասալսումները կազմակերպելու համար այլ դպրոցների համապատասխան մասնագետներին ձևավորվել են հանձնախմբեր, որոնց կողմից տրված դասալսման թերթիկների համաձայն՝ ընդհանուր միջին գնահատականը բարձր է միջինից:

Հանրակրթական 12 դպրոցներում տրվել են թեմատիկ գրավոր աշխատանքներ հայոց լեզու, մաթեմատիկա, հայոց պատմություն, ռուսաց լեզու, անգլերեն, քիմիա առարկաներից: Բոլոր առարկաներից միջին գնահատականը կազմել է 6.5 միավոր: Գործընթացը կրում է շարունակական բնույթ: Արդյունքում ի հայտ եկած թերությունները շտկելու համար տրվել են համապատասխան հանձնարարականներ, որոնց պարտադիր կատարումը վերահսկվում է կրթության բաժնի կողմից:

Մարզի հանրակրթական ուսումնական հաստատությունների տնօրենների ժամկետային աշխատանքային պայմանագրերի ժամկետի լրացման, ինչպես նաև տնօրենների 65 տարին լրանալու հիմքով անց են կացվել տնօրենի թափուր տեղի համար 30 մրցույթներ:

Կազմակերպվել և անցկացվել է ուսուցչի թափուր տեղի համար 957 մրցույթ:

ՀՀ կառավարության 2010թ. հոկտեմբերի 14-ի N 1391-Ն որոշմամբ հաստատված հանրակրթական ուսումնական հաստատության ուսուցչի ատեստավորման կարգի համաձայն 2015թ. ատեստավորման ներկայացված ուսուցիչներից պարզ ընթացակարգով ատեստավորվել են 358-ը, տարբեր պատճառներով վերապատրաստման դասընթացներին չեն մասնակցել և չեն ատեստավորվել 66 ուսուցիչներ:

Առարկայական օլիմպիադաների կազմակերպում

Փետրվարի 16-ից մարտի 9-ը կազմակերպվել և անց է կացվել օլիմպիադանների տարածքային և մարզային փուլերը, որոնց մասնակցել են համապատասխանաբար՝ մոտ 1000 և 500 աշակերտներ: Մարզային փուլի արդյունքում 132 /նախորդ տարում՝ 127/ աշակերտներ իրավունք նվաճեցին մասնակցելու օլիմպիադայի հանրապետական փուլին:

Վերջնական արդյունքում մարզը ունեցել է հանրապետական փուլի 29 / նախորդ տարում՝ 49/ մրցանակակիր, որոնցից.

ա/ 1-ին կարգի դիպլոմ – 1 / նախորդ տարում՝ 2/

բ/ 2-րդ կարգի դիպլոմ – 5 / նախորդ տարում՝ 12/

գ/ 3-րդ կարգի դիպլոմ – 7/ նախորդ տարում՝ 18/

դ/ գովասանագիր – 16/ նախորդ տարում՝ 17/:

ՆԶՊ առարկայից օլիմպիադայի հանրապետական փուլի մասնակիցները թիմային հաշվարկով գրավել են 3-րդ տեղը, մասնակիցներից 4-ը անհատական մարզաձևերում ճանաչվել են լավագույնը:

2015թ-ին տեղեկատվական տեխնոլոգիաներ բնագավառում ՀՀ նախագահի ամենամյա մրցանակաբաշխության <<Լավագույն աշակերտ>> անվանակարգի հաղթողներ են ճանաչվել <<Վանաձորի մաթեմատիկայի և բնագիտական առարկաների խորացված ուսուցմամբ հատուկ դպրոցի>> աշակերտներ Արթուր Ղազարոսյանը և Պարգև Ավետիսյանը: Իդեա՝ դպրոցն ընդգրկվել է հանրապետության 5 լավագույն դպրոցների շարքում, որտեղ առաջին անգամ իրականացվելու է S<S /տեղեկատվական հաղորդակցման տեխնոլոգիաներ/ պիլոտային ծրագիրը՝ Սինոպսիս Արմենիա, Viva Cell ընկերությունների նախաձեռնությամբ և օժանդակությամբ:

Շախմատը Լոռու մարզի դպրոցներում

Շախմատը որպես պարտադիր առարկա հանրակրթական դպրոցներում մտել է 2011թվականին: Այն շարունակում է մեծ հետաքրքրություն առաջացնել սովորողների մոտ:

2014-15 ուսումնական տարում շախմատ առարկան ուսուցանել է 10.144 աշակերտ: 2015-2016 ուստարում այդ թիվն աճել է և կազմում է 10.260:

2015թ. հունվարից մինչև սեպտեմբեր ամիսը անց է կացվել Լոռու մարզի դպրոցականների շախմատի 9-րդ օլիմպիադայի երեք փուլերը, որին մասնակցել են մոտ 10000/տաս հազար/ աշակերտներ: Դավիթ Շահինյանը 3-րդ անգամ լրացրեց միջազգային վարպետի նորման և արժանացավ միջազգային վարպետի կոչմանը:

Հատուկ /ներառական/ կրթություն

Հատուկ կրթություն մարզում իրականացվում է Վանաձորի թիվ 1 հատուկ /օժանդակ/ դպրոցում՝ 78 երեխա/ և Սալիտակի հատուկ դպրոցում՝ 70 երեխա:

Լոռու մարզում ներառական կրթությունը 2015թ. սեպտեմբերից իրականացնում են 12 դպրոցներ՝ Վանաձորի թիվ 6 (21 աշակերտ), Վանաձորի թիվ 16 դպրոց՝ (56 աշակերտ), Վանաձորի թիվ 18 դպրոց՝ (34 աշակերտ), Վանաձորի թիվ 25 դպրոց՝ (25 աշակերտ), Վանաձորի թիվ 27 դպրոց՝ (30 աշակերտ), Ստեփանավանի թիվ 1 դպրոց /31 աշակերտ /, Ստեփանավանի թիվ 2 դպրոց՝ (33 աշակերտ), Ստեփանավանի թիվ 6 դպրոց (51 աշակերտ) , Ալավերդու թիվ 12 դպրոց՝ (40 աշակերտ) Ախթալայի թիվ 1 դպրոց (7 աշակերտ), Կուրթանի դպրոց՝ (8 աշակերտ) և Սալիտակի թիվ 8 դպրոց՝ (24 աշակերտ):

2016 թ. հունվարից ներառական կրթություն կիրականացնեն ևս 4 դպրոցներ՝ Վանաձորի թիվ 28 դպրոց՝ (15 աշակերտ), Վանաձորի թիվ 30 դպրոց՝ (14 աշակերտ), Ստեփանավանի թիվ 3 դպրոց /20 երեխա/, Ալավերդու թիվ 2 դպրոց՝ (19 աշակերտ):

Այսպիսով՝ 2015-2016 ուսումնական տարում ներառական կրթություն կիրականացվի մարզի 16 հանրակրթական դպրոցներում, որտեղ, ընդհանուր հաշվով, կնդգրկվի 428 աշակերտ:

Ոչ պետական միջոցներով կրթական օբյեկտների եւ նախադպրոցական հաստատությունների մասով իրականացրած ներդրումներ

Պարենի Համաշխարհային Ծրագրի Հայաստանյան գրասենյակի կողմից մարզի 138 դպրոցներում իրականացվում է <<Դպրոցական սնունդ>> ծրագիրը, որի շրջանակներում տարրական դասարանների եւ նախակրթարանների 10777 երեխաների համար 1-անգամյա սնունդ է կազմակերպվում:

Ծրագրում ընդգրկված են նաև դպրոցներում գործող 21 նախակրթարանները:

Մարզի սոցիալապես անապահով, ծնողազուրկ 7-13 տարեկան 415 աշակերտների ցուցակը, որոնք իրենց ամառային հանգիստը 3 հերթափոխով անց են կացրել Հանքավանի «Լուսաբաց» մանկական առողջարարական ճամբարում: Պատշաճ մակարդակով կազմակերպվել է երեխաների մեկնումը եւ վերադարձը:

Մարզի 33 ուսման գերազանց առաջադիմություն ունեցող, սոցիալապես անապահով ընտանիքների աշակերտներին և սովորողներին նշանակվել է <<Լոռու դպրոց>> հիմնադրամի անվանական կրթաթոշակ 3000-10000 դրամիչափով: 16 շնորհալի երեխաների <<Լոռու մշակույթ և սպորտ>> հիմնադրամի կողմից նշանակվել է 10000-20000 դրամի չափով կրթաթոշակ:

Նոր ուսումնական տարվա կապակցությամբ օգոստոս-սեպտեմբեր ամիսների ընթացքում <<Լոռու դպրոց>> հիմնադրամի կողմից մարզի ավելի քան 1200 անապահով ընտանիքների դպրոցական երեխաների հատկացվել են 11 անուն գրենական պիտույքներ, գրքերի վարձավճարներ և զանազան կարգի այլ օգնություններ:

Դպրոցներում և իրենց ենթակայությամբ գործող արհեստագործական ուսումնարաններում ինտերնետ կապով ապահովվածության ուղղությամբ ձեռնարկված միջոցները

Հետևողական աշխատանքի շնորհիվ մարզի հանրակրթություն իրականացնող բոլոր դպրոցները ունեն համակարգիչներ, համակարգչային դասարաններ՝ ապահովված համացանցով, էլեկտրոնային կապ, կամ վերջինիս բացակայության դեպքում՝ էլեկտրոնային հասցեներ:

Տեղեկատվություն է ներկայացվել ԿԳ նախարարություն՝ մարզային ենթակայության 91 դպրոցներում ՀՀ կրթության և գիտության նախարարության կրթական տեխնոլոգիաների ազգային կենտրոնի աջակցությամբ կայքէջ ստեղծելու համար:

Իրականացվել են ՀՀ հանրակրթական ուսումնական հաստատությունների գործունեության մասին» 2015-2016 ուսումնական տարվա վիճակագրական հաշվետվությունների ձևերի բաշխումը և հավաքագրումը:

Կրթական հասարակություններում աշխատավարձի ժամանակին վճարում

2015 թվականի ընթացքում մարզի դպրոցների աշխատավարձերի վճարումները յուրաքանչյուր ամսվա համար կատարվել է ժամանակին՝ մինչև հաջորդ ամսվա 5-6-ը:

Մարզպետարանի եւ մարզային ենթակայության կազմակերպությունների կրթության բնագավառում իրականացրած գործունեության թափանցիկությունը և հրապարակայնությունը

Կրթության բնագավառում մարզպետարանի գործունեության մասին հաշվետվությունը տեղակայվում է ՀՀ Լոռու մարզպետարանի կայքում՝ **www.lori.gov.am**:

Կրթության բնագավառում մարզպետարանի գործունեության մասին տեղեկատվություններ են հրապարակվում ՀՀ Լոռու մարզ», ՀՀ Վանաձորյան խճանկար» թերթերում, ինչպես նաև ՀՀ Մարզպետարանի ժամ» հեռուստահաղորդման ժամանակ:

Մարզպետարանում գործում է «Թեժ գիծ»՝ 2-32-99 և 2-35-37 հեռախոսահամարներով:

Մշակույթ

2015թ.-ին մարզում գործում է 8 արվեստի, 3 գեղարվեստի, 1 պարարվեստի, 9 երաժշտական դպրոցներ, Գեղագիտության ազգային կենտրոնի Վանաձորի մասնաճյուղ, 1 արվեստի պետական քոլեջ, 5 մշակույթի պալատ, 42 մշակույթի ակումբ, 2 մշակույթի և ժամանցի կենտրոն, 1 ռուսական մշակույթի տուն, 10 թանգարան, որից 4-ը՝ տուն-թանգարաններ, 1-ը՝ երկրագիտական, 2-ը՝ կերպարվեստի, 3-ը՝ կենցաղի, 63 գրադարան, որոնցից մեկը՝ Լոռու մարզային, իսկ 16-ը՝ քաղաքային /այդ թվում, 5-ը՝ մանկական/, 47-ը՝ գյուղական գրադարաններ են:

2013-2014թթ.-ներին գրադարանների ընթերցողների և թանգարաններ հաճախողների թիվն աճել է:

2015 թ. կազմակերպվել և համակարգվել են պետական, ազգային և այլ տոներ, հիշատակի օրերի հետ կապված զանգվածային միջոցառումներ, որոնք նպաստում են ազգային ծեսերի ու ավանդույթների վերականգմանը և տարածմանը, ազգաբնակչության գաղափարական գիտակցության զարգացմանը, ճաշակի բարձրացմանը, ժամանակակից քաղաքացու ձևավորմանը:

Մարզի համայնքներում, գեղարվեստական դպրոցներում, թատրոններում և մշակույթի տներում կազմակերպվել են բազմաթիվ միջոցառումներ, նվիրված **Ամանորյա և Սուրբ ծննդյան օրվան, Հայոց**

բանակի կազմավորման 23-րդ տարելիցին, Հայոց ցեղասպանության 100-րդ տարելիցին, Առաջին Հանրապետության տոնի և Ղարաքիլիսայի հերոսամարտին, Հայրենական Մեծ պատերազմում տարած հաղթանակի 70-րդ և Շուշիի ազատագրման 23-րդ տարելիցին, ՀՀ Անկախության 24-ամյա հոբելյանին և Սահմանադրության օրվան, 1988թ.երկրաշարժի անմեղ զոհերի հիշատակին և այլն:

**«Պետական աջակցություն մշակութային միջոցառումներին»
ծրագրի շրջանակներում կազմակերպվել և անցկացվել են՝**

Մայրության և գեղեցկության տոնին նվիրված հանդիսությունը, «Ազգային նվագարանների երգի-պարի, ասմունքի» ամենամյա Լոռու մարզային փառատոնը, «Լոռվա հարսանիք» հանդիսությունը Արևաշող և Ստեփանավան համայնքներում, «Վարդավառ» հանդիսությունը Գյուլագարակ համայնքի «Հեքիաթ» հանգստյան գոտու տարածքում, «Լոռի-Արցախ» մշակութային միջոցառումը, որը կայացել է Մարտակերտի մշակույթի պալատում:

Վերոնշյալ միջոցառումների համար պետությունից հատկացվել է 3.542.3 հազար դրամ

Այլ միջոցառումների թվում՝

«Մշակութային վերածնունդ» փառատոնի շրջանակներում առաջին անգամ կազմակերպվող «Տուրիզմը միավորում է մշակույթներ» խորագրով միջոցառումը, «Մեր մեծերը» խորագրով ծրագրի վերաբերյալ Անդրանիկ Օզանյանի 150, Դանիել Վարուժանի 131, Փանոս Թերլեմեզյանի 150 ամյակին նվիրված մի շարք միջոցառումները, «Երգող Հայաստան» մանկապատանեկան երգչախմբերի հանրապետական 8-րդ մրցույթ-փառատոնի Լուռու մարզային փուլը, «Ազգային Գրադարանային Շաբաթ» ծրագրի շրջանակներում՝ բազմաթիվ միջոցառումներ Լոռու մարզային գրադարանում, մարզի շուրջ 45 գրադարաններում, «Թանգարանային գիշեր» խորագիրը կրող միջոցառումներ են կազմակերպվել մարզում գործող բոլոր թանգարաններում, Երեխաների պաշտպանության օրվան նվիրված բազմաթիվ միջոցառումներ, Անհայտ Կորած Ազատամարտիկների օրվան նվիրված միջոցառում, «Երաժշտության տոն» խորագիրը կրող համերգ-հանդիսությունները, «Երգում ենք Կոմիտաս» համահայկական փառատոնը:

Աջակցություն է ցուցաբերվել Ավանդական «Ծաղկի տոն» հանդիսությանը, մասնակցություն է ցուցաբերվել Շիրակի մարզպետարանի նախաձեռնությամբ Գյումրիում կազմակերպվող «Մինասի գույներով» խորագիրը կրող երիտասարդ նկարիչների հանրապետական միջազգային 4-րդ պլեներին, Վանաձորի «Լոռի» ժամանցի կենտրոնում, Շառլ Ազնավուրի անվան մշակույթի պալատում և Մ. Թավրիզյանի անվան արվեստի պետական քոլեջում կազմակերպվել են Պարի միջազգային օրվան նվիրված համերգ-հանդիսություններ, Ֆրանկոֆոնիայի օրերին նվիրված միջոցառումներ են կայացել Լոռու մարզային գրադարանում, կազմակերպվել է ամենամյա «Բերքի տոն 2015» համաժողովրդական հանդիսությունը, մասնակցություն է ցուցաբերվել «Պանրի տոն 2015» հանդիսությանը Տաշիր համայնքում, իրականացվել է «Թումանյանական հեքիաթի օր» տիկնիկային թատրոնների 10-րդ միջազգային փառատոնի կազմակերպումը մարզի քաղաքային և գյուղական համայնքներում, կազմակերպվել է ավանդական «Թումանյանական օր» հանդիսությունը Դսեղ համայնքում :

Կազմակերպվել և անցկացվել են ՀՀ վարչապետ Հովիկ Աբրահամյանի հովանու ներքո անցկացվող **«Ասմունքի հանրապետական մանկապատանեկան 9-րդ մրցույթ-փառատոն»**-ի նախնական և եզրափակիչ փուլերը :

Արարատի մարզում **«Մենք ենք, մեր մարզը»** մանկապատանեկան մարզային մշակույթի օրերի իրականացման վերաբերյալ իրենց մասնակցությունն են ունեցել Վանաձորի, Ալավերդի, Ստեփանավանի շնորհալի պատանի երաժիշտ կատարողները:

Ախթալա համայնքում Կազմակերպվել է ավանդույթ դարձած **«Խորովածի տոն 2015» մրցույթ-փառատոնը**: Հանդիսությանը մասնակցել են մարզի լավագույն համերգային կոլեկտիվները և անհատ կատարողները:

Կազմակերպվել է **«Մեր տունը»** խորագրով համահայկական դրամահավաքը, որը կայացել է Վանաձորի Շ.Ազնավուրի անվան մշակույթի պալատում:

Սպորտ և երիտասարդություն

Լոռու մարզի տարածքում գործում է 18 մարզադպրոց՝ Վանաձորում, Ալավերդում, Սպիտակում, Տաշիրում, Ստեփանավանում, Գուգարքում, Զրաշենում: Վանաձորում գործում են նաև «Գագիկ Ղազարյան» մարզական ակումբը, «Աշխատանքային ռեզերվներ» ՄՀԿ-ն, «Հայաստան» ՄՀԿ-ն, «Վազգեն Բադալյան» և «Լոկոմոտիվ» մարզական միությունները:

Վերջին 5 տարիների ընթացքում կառուցվել է Ստեփանավանի մարզադպրոցի նոր շենքը, վերակառուցվել են Վանաձորի ՕՀՄՄԴ և ձմեռային ձևերի մարզադպրոցները, «Հայաստան» ՄՀԿ-ում (մասնակիորեն փոխվել է դահլիճի հատակը, կատարվել են ներքին հարդարման աշխատանքներ, շրջակա տարածքի ասֆալտապատման աշխատանքներ - շուրջ 5 մլն դրամ):

Մարզի մարզիկները վերջին տարիներին հասել են լուրջ հաջողությունների.

1. Եվրոպայի սամբոյի մեծահասակների չեմպիոն:
2. Եվրոպայի սամբոյի երիտասարդների և պատանիների չեմպիոն և մրցանակակիրներ:
3. Համահայկական 6-րդ մարզական խաղեր - 18 մեդալ/ 6 ոսկե, 8 արծաթե և 4 բրոնզե/:
4. Մի շարք միջազգային խոշոր ստուգատեսներում հաղթողներ և մրցանակակիրներ:
5. ՀՀ Նախագահի մրցանակի համար <<Լավագույն մարզական ընտանիք>> հաշմանդամ ունեցող ընտանիքը գրավել է առաջին տեղ:
6. ՀՀ անկախության 24-րդ տարելիցին նվիրված ամենամյա դպրոցականների մարզական խաղերի - 4 առաջին տեղ:
7. <<Բազե-2015>> երիտասարդական հավաք, - երրորդ տարին անընդմեջ հավաքի լավագույն ջոկատ:

2015 թվականին սպորտի և երիտասարդության ոլորտներում կատարվել են հետևյալ աշխատանքները.

❖ 2015թ. փետրվարի 8-ին Թեժ լեռան հովտում կազմակերպվել և անց է կացվել <<**Լոռվա ձմեռ-2015**>> 45-րդ ավանդական մարզատոնահանդեսը:

❖ 2015թ.-ի մայիսին Վանաձորում անց է կացվել <<ՀՀ Լոռու մարզպետի գավաթ>> մրցաշարը՝ ֆուտբոլ մարզաձևից, որին մասնակցեցին տարածաշրջաններում հաղթած թիմերը, ինչպես նաև Վանաձորից 12 թիմ/ընդհանուր 16 թիմ/ :

❖ Հուլիս ամսին կայացել են ՀՀ անկախության 24-րդ տարելիցին նվիրված ամենամյա դպրոցականների մարզական խաղերի տարածաշրջանային, մարզային և հանրապետական եզրափակիչ փուլի մրցումները, որին մասնակցեցին Լոռու մարզի հավաքական թիմերը:

❖ Մարզպետարանի աշխատակազմի կրթության, մշակույթի և սպորտի վարչության մշակույթի և սպորտի բաժնի և Վանաձորի քաղաքապետարանի ենթակայության տակ գործող շախմատի դպրոցի ջանքերով կայացան դպրոցականների շախմատի օլիմպիադայի ներդպրոցական, համայնքային և մարզային փուլերը:

❖ Մարզի հանրակրթական դպրոցների 1-6-րդ դասարանի աշակերտների շրջանում կազմակերպվել է ՀՀ <<Ազգային ժողովի Գավաթ>>-ի խաղարկության մրցումների ներդպրոցական, տարածաշրջանային, մարզային փուլերը:

❖ 2015թ. Օգոստոսի 2-13-ը ՀՀ մայրաքաղաք Երևանում կայացած համահայկական 6-րդ մարզական խաղերին մասնակցել են նաև Լոռու մարզի քաղաքային համայնքները: Գերազանց արդյունքներ են գրանցել մարզկենտրոն Վանաձորը ներկայացնող մարզիկները՝ ընդհանուր հաշվարկում վաստակելով 18 մեդալ/ 6 ոսկե, 8 արծաթե և 4 բրոնզե/: Վանաձորը մասնակից 175 քաղաքների մեջ գրավել է պատվավոր 3 տեղը:

❖ 2015թ. Օգոստոսի 17-23-ը Ծաղկաձորում անց է կացվել <<Բազե-2015>> երիտասարդական հավաքը, որին մասնակցել է նաև Լոռու մարզը ներկայացնող ջոկատը: Լոռեցի երիտասարդները փայլուն մասնակցություն են ունեցել հավաքի ընթացքում կազմակերպված մրցումներին՝ երրորդ տարին անընդմեջ ճանաչվելով հավաքի լավագույն ջոկատ:

❖ Սեպտեմբերին մարզի թվով 7 քաղաքներում և Գուգարք գյուղում կազմակերպվել են մարզական փառատոներ, որոնց ընդհանուր թվով մասնակցել են շուրջ 7.500 մարդ:

❖ Կազմակերպվել է ՀՀ Նախագահի մրցանակի համար <<Լավագույն նախադպրոցական հիմնարկ>> մրցույթի տարածաշրջանային և մարզային փուլերը:

❖ Սեպտեմբեր ամսին կազմակերպվել է Հայաստանի Հանրապետության Նախագահի մրցանակի համար <<Լավագույն հաշմանդամ մարզիկ>> մրցույթի Լոռու մարզային փուլը: Հանրապետական մրցումներում Լոռու մարզի թիմը ընդհանուր հաշվարկով գրավեց 2-րդ պատվավոր տեղը:

❖ Կազմակերպվել են ՀՀ Նախագահի մրցանակի համար <<Լավագույն մարզական ընդհանրություն>> մրցույթի 2015թ.տարածաշրջանային, մարզային փուլերը:

❖ Կազմակերպվել է ազգային մարզական ձևերի ամենամյա <<Լոռվա ժողովրդական խաղեր>> մարզային փառատոնը/<<Հորիզոն>>ԲՀԿ-ի հետ համատեղ/:

❖ Հոկտեմբերին կազմակերպվել են ավագ տարիքի դպրոցականների ամենամյա ռազմա-մարզական խաղերի դպրոցական, տարածքային և մարզային փուլերը: Վանաձորի թիվ 13 ավագ դպրոցի թիմը հանրապետական եզրափակիչ փուլում գրավել է 1-ին տեղ՝ հռչակվելով հանրապետության չեմպիոն:

❖ Հոկտեմբեր ամսին ամփոփվել է Հայաստանի Հանրապետության Նախագահի մրցանակի համար <<Լավագույն մարզական համայնք>> և <<Լավագույն մարզական բակ>> հանրապետական մրցույթների համար ներկայացված հայտերը: <<Լավագույն մարզական համայնք>> անվանակարգում երկրորդ տեղ է գրավել Լոռու մարզը ներկայացրած Ալավերդի

համայնքը, <<Լավագույն մարզական բակ>> անվանակարգում երկրորդ տեղ է գրավել Ախթալա համայնքի <<Բերուտ> թաղամասի մարզական բակը:

❖ 2015թ. ընթացքում ՀՀ Լոռու մարզպետին կից գործող երիտասարդական խորհուրդը քննարկել է մարզի երիտասարդությանը հուզող բազմաթիվ խնդիրներ և ծրագրեր, ուսումնասիրվել են բազմաթիվ առաջարկություններ:

Վարչության ձեռքբերումները

- ❖ Կրթության բնագավառում ՀՀ օրենքների, ՀՀ Նախագահի հրամանագրերի, կարգադրությունների, կառավարության և վարչապետի որոշումների և այլ նորմատիվ ակտերի կատարման ապահովումը: Դրա մասին են վկայում ՀՀ պետական տեսչության և ներքին աուդիտի ստուգման արդյունքները:
- ❖ Վարչության օժանդակությամբ դպրոցների կողմից ճիշտ և ժամանակին դրույքային վարձաչափերի /տարիֆիկացիոն/ մատյանների կազմումը, որը նպաստում է տարվա ընթացքում բյուջեյի ճիշտ և արդյունավետ օգտագործմանը:
- ❖ Առարկայական օլիմպիադաներում և այլ մրցույթներում, փառատոններում ձեռք բերված հաջողությունները:
- ❖ Մշակութային և սպորտային միջոցառումների կազմակերպած անցկացումը, մասսայականացումը և տարածումը:
- ❖ «Պետական աջակցություն մշակութային միջոցառումներին» ծրագրի շրջանակներում առաջին անգամ կազմակերպվել են «Լոռվա հարսանիք» / ոսկե երկու հարսանյաց հանդիսություն/, «Վարդավառ» ավանդական հանդիսություն-մատաղօրհնություն:
- ❖ Զոհված, հաշմանդամ դարձած զինծառայողների, ծնողագուրկ ու սակավ ապահովված բազմազավակ ընտանիքների 7-13 տարեկան երեխաների ամառային հանգիստը ՀՀ Կոտայքի մարզի Հանքավանի և Ծաղկաձորի ճամբարներում պատշաճ ձևով կազմակերպումը, ցուցաբերած պատրաստակամությունը և բարձր պրոֆեսիոնալիզմը:
- ❖ Մարզում իրականացվող գրեթե բոլոր՝ մշակութային, սպորտային և տոնական մեծարման միջոցառումների, սոցիալական տարբեր կարգի օգնությունների, ուսման և դասագրքերի վարձավճարների, երեխաների ամառային հանգստի, դպրոցականների առարկայական օլիմպիադաների 4 փուլերի, դպրոցական շենք-շինությունների մասնակի վերանորոգման, մուրացիկ երեխաներին դպրոց վերադարձնելու, գերազանց առաջադիմությամբ սովորողներին անվանական կրթաթոշակի նշանակելու և այլ գործառնությունների կազմակերպումն ու անցկացումը «Լոռու դպրոց» և «Լոռու մշակույթ, սպորտ, երիտասարդություն» հիմնադրամների հովանավորությամբ:

Վարչության հիմնախնդիրները

- ❖ Մի շարք դպրոցներում դասապրոցեսի նկատմամբ դրսևորվում է ոչ պատշաճ և սրտացավ վերաբերմունք: Դրա մասին է վկայում ՀՀ պետական տեսչության կողմից ուսումնասիրված 48 դպրոցներում մի շարք առարկաներից աշակերտների կողմից ցուցաբերած ցածր գիտելիքները:
- ❖ Դեռևս թույլ է դպրոցների խորհուրդների աշխատանքը:
- ❖ Գյուղական դպրոցների մասնագետ ուսուցիչներով թեր ապահովվածությունը: Տարեց-տարի դպրոցները ստիպված են մի քանի անգամ տալ մրցույթների հայտարարություն, սակայն ժամերի քիչ լինելու պատճառով դիմողներ չեն լինում:
- ❖ Մարզի 52 դպրոց /5814 աշակերտ/ չունի մարզադահլիճ, այդ թվում՝ քաղաքային 12 դպրոց՝ 2744 աշակերտով, գյուղական 40 դպրոց՝ 3070 աշակերտով: Մարզադահլիճների կառուցման համար անհրաժեշտ գումարը կազմում է՝ միջինը 100մլն. դրամ:
- ❖ Դեռևս չի հաջողվում ավելի մասսայական դարձնել <<Լավագույն ուսուցիչ>>, <<Լավագույն տնօրեն>>, <<Լավագույն դաստիարակ>> մրցույթները: Դրա հիմնական պատճառները՝ դպրոցների թերացումն է և ուսուցիչների մոտ հետաքրքրության, ինչպես նաև շահագրգռվածության բացակայությունը:
- ❖ Թույլ է ուսումնական հաստատությունների՝ սեփական նախաձեռնությամբ համագործակցությունը միջազգային կազմակերպությունների և կառույցների հետ: Որպես կանոն, դպրոցները ապավինում են պետական բյուջեին:
- ❖ Սպորտի ոլորտում հիմնախնդիր է մնում մարզադպրոցներում մարզագույքի պակասը, ինչը լուրջ խոչընդոտ է հանդիսանում պարապմունքները ավելի արդյունավետ կազմակերպելու համար: Լոռու մարզը ունենալով ֆուտբոլային հարուստ ավանդույթներ այսօր ունի բարեկարգ մարզադաշտի կարիք:
- ❖ Մշակութային կառույցների շենքային պայմանների ոչ բավարար վիճակը:
- ❖ Առավել նշանակալից պատմամշակութային հուշարձանների ընդգրկման անհրաժեշտությունը զբոսաշրջության երթուղիներում:
- ❖ Ոլորտի կառույցները ժամանակակից տեխնիկական միջոցներով ապահովման կարիքը:
- ❖ Մարզի երաժշտական, արվեստի և գեղարվեստի դպրոցների, մանկական ստեղծագործական և գեղագիտական կենտրոնների, թանգարանների, գրադարանների, մշակույթի տների, ակումբների աշխատողների ընդգրկումը սոցիալական ապահովագրության փաթեթի մեջ:

2016 թ. նախատեսվող աշխատանքների հիմնական ուղղությունները

➤ Կրթության որակի բարելավում .

*Չափանիշներ՝ բուհ ընդունված շրջանավարտների
թվաքանակ, առարկայական օլիմպիադաների արդյունքներ, դպրոցների
ուսումնասիրությունների արդյունքներ:*

➤ Դպրոցների ֆինանսական խնայողությունների
նպատակային օգտագործում.

Մշտադիտարկում և վերահսկողություն, դրական փորձի տարածում:

➤ Դպրոցների խորհուրդների աշխատանքների
արդյունավետության բարձրացում.

Խորհուրդների կազմերի թարմացում, աշխատանքն. մշտադիտարկում

➤ Դպրոցների կողմից՝ սահմանված կարգերի
(օրենք, կառավարության որոշում, նախարարի հրաման և այլ
իրավական ակտեր) պահանջների կատարում.

Ուսումնասիրություններ, մեթոդական օգնություն, վերահսկում

➤ Նախադպրոցական կրթության նկատմամբ
աջակցության և վերահսկողության իրականացում.

Մարգարետարանի աշխատակազմի կրթության,
մշակույթի եւ սպորտի վարչության պետ

Մ.Սայադյան